

zuzendariari

(0034) 943 300 222

OHARRA: Ahalik eta iritzi gehienek izan dezaten tokia, ez da komeni makinazko 15 lerro baino luzeago idaztea gutun hauetan. Idatzi duenaren izena, telefonoa, helbidea eta NAren zenbakia agertu beharko dira. Laburtu behar izanez gero, zuzendaritzak bere esku du horretarako eskubidea. Erdaraz iristen diren gutunak ez dira argitaratuko.



zuzendariari@egunkaria.com



Gudarien etorbidea, z/g 20140 Andoain

‘A priori’ epaitu

Pedro Pablo Arrinda • DURANGO

Euskal gotzainek plazaratutako Pastoralak izan dituen kritikek zur eta lur uzten dute edozein, kritikok duten oinarri etiko kaskarra ikusita. Maizen erabilitako argudioa honako hau izan da: «Pastoralaren zenbait atalek duten alderdi abertzaleen tesiekiko parekotasuna». Beraz, era honetan, iritzi edo tesi horiek alde aurretik edo *a priori* dira amoralak edo etika gabeak. Horren ondorioz, tesi horiekin bat egiten dute edozer gaitzesten da, ideia bera aztertu barik.

Dokumentuaren balorazio etikoa egin beharrean ikuspegi politikoaren galbaetik pasatu dute. Pastoralak espainiar nazionalismoarekin bat egingo balu ukalezinezko balio etikoa lukeen irina litzateke?

Manipulatu gabeko Gaztelu helburu

Andoni Goikoetxea Gabirondo • GAZTELU

Iragan asteko esamesen ondotik, nire ama Rosa Gabirondo Arrate Gazteluko independente (PNV) taldeko zinegotziari hitz egin nahi nioke:

Herri honetan hainbat erabaki inposatu dituzue eta inposatu nahi dituzue. Harrobia: zure jaiotetxetik 200 metrora harrobia martxan jarri nahi duzu; bertan zure ama eta anaia bizi dira, eta baserria ere badakizu hankaz gora joan daitekeela. Harrobitik 400 metro beheago, nekazaritzatik bizi den lehengusu bat bizi da.

Kultur etxea: epaitegietan bueltaka ibili ostean, kasua galdu arren, ixtea erabaki zenuten, zure alaba kale gorrian utzita.

Inongo momentutan ez dizut eskatzen burua makurtzeko, eta gogoan izan nire

etxeko atea beti bezala zabalik izango dituzula hitz egin eta konponbideak bilatzeko. Nire aurrean ez zarela makurtuko ez duzu esan beharrik, baina bai esan, PNVri ere ez makurtzeko, eta zeure buruaren jabe izateko. Izan ere, triste deritzot ama-semeen arteko harremana interes politiko eta ekonomikoa besterik ez duten mertzenarioen esku izatea. Pilar Zubiarrain, Patxi Ezkiaga, J.M. Juaristi..., oro har GBB eta PNVri galdera bat. Gure artean horrelako haustura eta gorrotoa piztuz, zer interes ezkututzen duzue?

Azkenik, salatu nahi nuke indar politiko, polizial eta mediatikoen muntaia nazkagarria, nire nortasuna eta izaera herri hau zanpatu beste helbururik ez duten faxistei saldu diezuelako, eta garbi izan,

niri gerta dakidanaren erantzule zuek zaretela.

Momentu latz hauetan babesa eskaini didatenei, mila esker!

Hondartzako futbol txapelketa

Maite Ormazabal • DONOSTIA

Ekainak 1, larunbata eta goiza da, eguraldia primerakoa hondartzara joateko. Ordu bat eta erdi neukan naturaz gozatzeko. Zurriolara hurbildu eta, hara! Zer dago hemen? Bozgorailutik ozenki «torero» hitza duen kanta bat entzuten zen. Urrutiratu nintzen lasaigo egoteko, baina esatariaren ahotsa entzuten jarraitu nuen, gaztelania hutsean. Eta ni, buruari galdezka

«non nago, Donostian ala Motrilen?». Donostiako alkateak ez al zuen hitzarmenik egin Euskara Kontseiluarekin euskararen egoeraz gero eta gehiago ardurtzeko? Ez al zen hobe izango bi hizkuntzetan aritzea eta euskal musika tartekatzea? Edo... ez al dago borondaterik?

Gu joango gara

Alicia Suso eta Leire Caridad (*Euskadiko Gazteriaren Kontseiluko presidentea eta presidente ohia*)

«Proiektu guztiek, ideia guztiek, pertsona guztiek» gure gizartean beren lekua izan behar dutela uste dugulako, hurrengo ekainaren 15ean Bilboko kaleetan isilean manifestatuko gara.

Pertsona ororen giza eskubideen aldeko apustu irmoak manifestatzera eramango gaitu. Eta egingo dugu gure herrian edo beste herrietan eskubide horiek errespetatuak izan ez diren bakoitzean egin dugun bezala. Sarriegi, gehiegitan.

Isilean egingo dugu, horrela nahi dugulako, eta era hauetako manifestazioak, askotarikoak, irekiak, baketsuak, isilak, gustuko ditugulako. Bilbon 15ean isilpean egin nahi dugu ibilbidea, bertaratutako pertsona guztiek behin eta berriz isilpean deiadar bakararra egiteko: aurrean dugun leloarena.

Eta egingo dugu, beste batzuek zer egingo duten kontuan hartu gabe. Bakoitzak jakin behar du deialdiaren leloa edo edukiak direla eta dituen kontraesanak zeintzuk diren. Guk ez dugu halakorik.

Euskaldunok bakea eta berradiskidetzeta nahi dugu gure gizartean, gizarte guztietan. Askatasunen eta eskubideen murrizketak ez dira hori lortzeko bitarteko onak. Lege hau ez dugu lagungarri. Adieraz dezagun.

irrimarra



EL ROTO / EL PAÍS

Berlingo harresia erori zen, baina gainerako harresiak handitu eta handitu ari dira.

galdeiozu... ?



JON MAIA

Euskal Herriko aurrekulari txapelduna

Upeletan Erronka ikuskizuna asko gustatu zitzaidan. Zer moduzko esperientzia izan zen zuentzat? Ba al duzue esku artean antzeko beste proiekturik?

Josune Fernandez (Donostia)

Esperientzia oso polita izan zen. Lau lagun elkartu eta besterik gabe saio bat egitetik hirurogei saio egitera pasa ginen, Estatu Batuetan ere aurkeztu genuen, eta oso gustura aritu ginen.

Gaur egun ohiko jardunari eusten diot. Azken urteetan bezala, herriko dantza taldean jarraitzen dut, baina, horretaz gain, Kukai taldea sortu nuen, herriko beste sei dantzarekin batera. Orain arte gauza txiki batzuk egin ditugu, baina hilabete gutxiren buruan gauza politak egiteko moduan izango garela uste dut.

Ekainaren 18etik aurrera **Alaitz Telletxea • Trikitilaria** izango da Galdeiozu ataleko gonbidatua. Bidali zure galderak ordurako.

hirusta

Xabier Gantzarain



Mundiala

Ez esan ez zaizuenik gustatzen. Kolorre guztietako armadak mankutsik, borroka-zelai ezin berdeagoetan. Tokian tokiko kolaboak suertatu zaien taldeari bibaka eta txaloka. Galdutako gerrak mendekatzera datozen partida odoltsuak. Armada bakoitzeko kazetariak etsaiarentzat asma litezkeen irainik zatarrenen bila. Herri oso baten itxaropena hamaika gudariaren oinetan jarria. Kolonia ohiak, ustiatu zituztenen harrokeria birrintzen algara eta dantzen artean.

Ez esan ez zaizuenik gustatzen. Antolatzailerak, lorez egin idunekoen eta kolore biziz margoturiko aurpegiaren atzean ezkutatzeko, urtetan zehar bizirik jarraituzera bultzatu dituen elkarrenganako gorrotoa. Japoniarrak indarrez eta bortxaz sartu zirenekoa gogorarazten zuen emakume korea-

rrak hala esan zuen: ez diet barkatzen, ez baitigute oraindik barkamenik eskatu. Baina belaunaldi gazteok iragana ahazteko erraztasun arriskutsu hori dugu, bai Korean eta bai hemen, eta gure amamen bortxatzaileekin adiskidetzeko bezain moderno ustekoak gara. Dena, futbolaren izenean.

Ez esan ez zaizuenik gustatzen. Estatu ororen gaineko boterea duten enpresa erraldoi eta boteretsuek sustatuko espektakulua, egunero komisarietan torturatzen dela edo aberats eta pobreen arteko amildegia gero eta zabalagoa dela ahantzi dezagun prestatua. Nike Adidasen aurka. Coca-Cola Pepsiren aurka. Sony Philipsen aurka. Noiz hasi den ez dakigun mende honetako lehen gerra mundiala da.

Galtzaileak ugari izanen dira. Eta irabazleak bakarrik: kapitalaren globalizazioa.